



JP ELEKTROPRIVREDA BiH d.d. - Sarajevo,  
Zavisno društvo Rudnik mrkog uglja "KAKANJ" d.o.o.-Kakanj



Kakanj, 13.11. 2015. godine.  
Broj: 01/D-01-43- 15345 /15

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 610-11/15 od 10.11.2015. godine po konkurentskom zahtjevu za dostavu ponuda (KZ: 47/15 – Nabavka HTZ opreme), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), v.d. Direktora Društva mr.sci. Kasim Alajbegović, dipl.ing.maš., donio je

### **ODLUKU o izboru najpovoljnijeg ponuđača**

#### **Član 1.**

Za najpovoljnijeg ponuđača za nabavku roba – Nabavka HTZ opreme, po provedenom konkurentskom zahtjevu za dostavu ponuda izabran je sljedeći ponuđač:

**„INKOS“ Export-Import d.o.o. Kakanj  
sa ukupnom cijenom od 49.900,00 KM bez PDV-a**

#### **Član 2.**

Prijedlog ugovora o nabavci dostavit će se na potpis izabranom ponuđaču „INKOS“ Export-Import d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### **Član 3.**

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.-Kakanj.

#### **Član 4.**

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

### **O b r a z l o ž e n j e**

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-11134/15 od 22.09.2015.godine. Procijenjena vrijednost javne nabavke bez PDV-a je 50.000,00 KM. Obavijest o nabavci broj: 967-7-1-719-3-114/15 poslana je na objavu dana 09.10.2015.godine, a isti dan objavljena je na Portalu javnih nabavki.

Zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki):

1. „DACA COMMERCE“ d.o.o. Mostar
2. „BOSS“ d.o.o. Tešanj
3. „SALTEKS“ d.o.o. Sarajevo

Osim gore navedeni ponuđača, tendesku dokumentaciju su izuzeli i sljedeći ponuđači:

1. „EUROVEZ“ d.o.o. Tešanj
2. „INKOS“ Export-Import d.o.o. Kakanj
3. „KUNA“ d.o.o. Visoko
4. „KOTEKS“ d.o.o. Tešanj
5. „6.NOVEMBAR“ d.o.o. Zvornik
6. „ERAX-INVEST“ d.o.o. Banovići
7. „VATROSISTEMI“ d.o.o. Visoko
8. „ZIKO“ d.o.o. Zavidovići

Komisija za javnu nabavku je dana 10.11.2015. godine sačinila Zapisnik o ocjeni ponuda broj: 608-11/15 od 10.11.2015. godine i Preporuku o izboru najpovoljnijeg ponuđača broj: 610-11/15 od 10.11.2015.godine, u postupku javne nabavke roba – Nabavka HTZ opreme

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.
- da nema neblagovremeno zaprimljenih ponuda.
- da je ponuda ponuđača „INKOS“ Export-Import d.o.o. Kakanj prihvatljiva.
- da ponuda ponuđača „ERAX-INVEST“ d.o.o. Banovići nije prihvatljiva.

Komisija je na zatvorenom sastanku razmatrala pristigle ponude po upućenom konkurentskom zahtjevu za dostavu ponuda za izbor najpovoljnijeg ponuđača i objavljenom Obavještenju o javnoj nabavci roba na Portalu javnih nabavki BiH – Nabavka HTZ opreme, te je utvrdila da ponuda ponuđača „ERAX-INVEST“ d.o.o. Banovići nije prihvatljiva.

Ugovorni organ je u tenderskoj dokumentaciji u Tehničkoj specifikaciji detaljno definisao predmet nabavke za svaku stavku iz Obrasca za cijenu ponude.

U tački 1. tehničke specifikacije za radna odijela-dvodijelna traženo je da Ponuđač u cilju dokazivanja kvaliteta ponuđenog radnog odijela je dužan u ponudi dostaviti Izvještaj o ispitivanju uzorka izdat od akreditovane laboratorije iz BiH da ponuđena roba odgovara tehničkoj specifikaciji. Na izvještaju o ispitivanju kvalitete uzorka mora biti navedeno da je ispitni uzorak ispitan za potrebe postupka nabavke HTZ opreme koji provodi J.P. Elektroprivreda BiH, d.d.-Sarajevo. Z.D. Rudnik mrkog uglja „KAKANJ“ d.o.o. Kakanj. Također, tenderskom dokumentacijom je traženo da uzorak mora biti plombiran od strane laboratorije koja je vršila ispitivanje kvalitete uzorka.

Ponuđač je dostavio uzorak, ali isti nije plombiran kako je to traženo tenderskom dokumentacijom. Ponuđač „ERAX-INVEST“ d.o.o. Banovići u svojoj ponudi nije dostavio traženi Izvještaj.

U tački 4. tehničke specifikacije za kožne cipele-duboke traženo je da Ponuđač u cilju dokazivanja kvaliteta ponuđenih kožnih cipela-dubokih je dužan u ponudi dostaviti Izvještaj o ispitivanju uzorka izdat od akreditovane laboratorije iz BiH da ponuđena roba odgovara tehničkoj specifikaciji. Na izvještaju o ispitivanju kvalitete uzorka mora biti navedeno da je ispitni uzorak ispitan za potrebe postupka nabavke HTZ opreme koji provodi J.P. Elektroprivreda BiH, d.d.-Sarajevo. Z.D. Rudnik mrkog uglja „KAKANJ“ d.o.o. Kakanj. Ponuđač „ERAX-INVEST“ d.o.o. Banovići u svojoj ponudi nije dostavio traženi Izvještaj.

Ponuđač je umjesto gore navedenog dostavio Izvještaj akreditovane laboratorijske kuće „EURO INSPEKT“ d.o.o. Sarajevo za duboku terensku cipelu nad kojom je vršeno i laboratorijsko ispitivanje dana 26.01.2012. godine, dakle par godina prije pokretanja postupka kod ovog ugovornog organa.

U zaključku izvještaja se navodi da je „ispitivani parametri na dostavljenom uzorku DUBOKA TERENSKA CIPELA, ODGOVARA Tehničkoj specifikaciji 92/11“.

Dakle, ponuđač „ERAX-INVEST“ d.o.o. Banovići je dostavio Izvještaj akreditovane laboratorije za duboke terenske cipele koje su ispitivane 26.01.2012.godine za potrebe nekog drugog ugovornog organa i na osnovu neke druge tehničke specifikacije broj 92/11, a koja nije tehnička specifikacija ovog Ugovornog organa. Također, tenderskom dokumentacijom je traženo da uzorak mora biti plombiran od strane laboratorije koja je vršila ispitivanje kvalitete uzorka.

Ponuđač je dostavio uzorak, ali isti nije plombiran kako je to traženo tenderskom dokumentacijom.

Na osnovu svega gore navedenog, ponuda ponuđača „ERAX-INVEST“ d.o.o. Banovići sa dostavljenim uzorcima ne odgovara traženjima iz Tenderske dokumentacije broj 580-10/15 od 27.10.2015.godine, te kao takva neće biti predmet daljnjeg razmatranja.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka, v.d. direktora Društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

**Najniže cijene, kako slijedi:**

| Naziv / ime ponuđača |                                        | Cijena                 |
|----------------------|----------------------------------------|------------------------|
| 1.                   | „INKOS“ Export-Import<br>d.o.o. Kakanj | 49.900,00 KM bez PDV-a |

Izabrani ponuđač je izabran primjenjujući kriterij najniže cijene, koja je ponuđena u iznosu od 49.900,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.

M. P.

v.d. Direktora Društva



inž. sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a